

کسینجر: سوریه‌ده نظامی موداخيله دونيا نظمینی بیر-بیرنه ووراجاق

آمریکانین اسبق خارجی ایشلر وزیر بونا ایشاره ائله‌ماغینان کی اینسان سئور موداخيله‌لر باعیت اولوب دولترین وستفالیایی اصوللاری رعایت اولماسین، اعلام ائله‌دی سوریه‌ده هر جوره نظامی موداخيله دونیانین نظمین قاریشدیراجاق.

آمریکانین اسبق خارجی ایشلر وزیر بونا ایشاره ائله‌ماغینان کی اینسان سئور موداخيله‌لر باعیت اولوب دولترین وستفالیایی اصوللاری رعایت اولماسین، اعلام ائله‌دی سوریه‌ده هر جوره نظامی موداخيله دونیانین نظمین قاریشدیراجاق. فارسین گوزارشینه گؤره، «هنری کسینجر» آمریکانین اسبق خارجی ایشلر وزیر و واشنگتن پست روزنامه‌سینده یاییلان یازیسیندا، سوریه‌ده هر جور نظامی موداخيله‌نین اؤلکه‌لرین میلی حاکمیت اصلی‌نین آرادان گئدمه‌سینه سبب اولاماسینی بیلدیردی و تأکید ائله‌دی کی عرب اؤلکه‌لرینده کی خلق حرکت‌لری باعیت اولوب اینسان سئور موداخيله دوکترینی یا «جماعتین جانین قوروما مسئولیتی» دولترین وستفالی اصولونون کی تمامیت ارضی‌نین قوروماغی لازمیدیر- یئرینی توتسون. کسینجر آرتیردی: بو زمینه‌ده داخلی بؤهرانلار بین‌المیلی منظرده دموکراتیک و فیرقه نیگرانلیغینا سبب اولار. خارجی قودرتلر، دولترین ایستیرلر کی قودرتی تحویل وئرک اوچون موخالیفلر اینن موداکیره ائله‌سینلر. آما چونکی هر ایکی طرفین هدفی «قالماق» دیر بو توصیه‌لرین فایداسی اولماز. او دئدی: ایکی طرفین قودرتی بیر سطحده اولسا، اوندان نظامی اقدام کیمی خارجی موداخيله بو دیونو حل ائله‌ماغا وارید اولار. بو یول کئچن ایل لیبی موریدینده اولدو و ناتو نیرولاری و عرب اؤلکه‌لرین نیرولاری معمر قذافی‌نین رژیمینی بیخماق اوچون موخالیفلرین نفعینه نظامی موداخيله‌یه ال ووردولار. کسینجر ایدامه‌ده بو مسأله‌دن تأسوفون بیلدیرماغینان کی اینسان سئور موداخيله میلی معتلر و قودرت تارازلاماسی خیدمتینده اولوب، آیدینلاتدی کی بوجور توجیه ائله‌ماق، دونیادا حیکومتی اصولونون نقض ائله‌ماغیدیر. آمریکانین بو کؤهنه‌کار دیپلوماتی دئدی: بو مسأله خارجی سیاستین بیر بؤلومو کیمی قبول ائدیلسه، بوجور موداخيله آمریکانین ایستراتژیسی باره‌ده چوخلو سوآلار مطرح ائلر. آیا آمریکا اؤزونه وظیفه بیلیر کی خلقلرین قیاملاریندا غیر دموکراتیک دولترلر موقابیلینده حیمایت ائلیه؟ حتی او اؤلکه‌لر کی وارلیقلاری ایندی کی دونیا نظمینی قالماسینا چوخ موهمدو؟ او آرتیردی: میثال اوچون عربستان، او گونه‌جن کی بو اؤلکه‌ده خلق حرکتی اولمایا آمریکانین هم پیمانی قالاجاق. کسینجر دئدی: اول بیلر کی بشار اسدین ساقیط اولماسی آمریکانین منفعتیه اولما آما هئچ ایستراتژیک سببه گؤره تازا جنگ باشلاماق اولماز. بونا گؤره، ائله دونیا نظمی کی مرزلی آرادان آپارا و داخلی و خارجی جنگلی بیر-بیرنه قاتا، وجودا گلمیه‌جاق.